


淮海集

後一之六





			三	漢
		四	四	書
		七	七	門
六	一	七	五	
冊	架	函	號	類

庫	文	閣	內	
三		三		漢
一		四		
五		七		書
冊	架	五		
一	六	號		類
五				

內閣立	
番號	漢 3475
冊數	6 (6)
函號	315 73







淮海後集目錄

卷之一

五言古

進南郊慶成詩

并表


幽眠

越王

隕星石

山陽阻淺

次韻參寥莘老



淺草文庫

送洪景之循州叅軍

茶

茶日

石魚

劉公幹

贈醫者鄒放

贈張潛道

荷花

酬曾逢原參寥上人見寄山陽作

吳興道中

無題二首

喜雨得城字

東城被盜得世字

夢伯收文公

秋夜病起懷端叔作詩寄之

送孫誠之尉北海

抱甕

讀列子

和顯之長老

清夜

南池

和王定國

題五柳亭

秋興擬韓退之

秋興擬孟郊

秋興擬韋應物

卷之二

詩 七言古

宿金山

別賈耘老

李端叔見寄次韻

陳令舉妙奴詩

自警

陪李公擇觀金地佛牙

雪浪石

和蔡天啓贈文潛之什

秋興擬李白

秋興擬王川子

秋興擬李賀

卷之三

詩 五言律 排律附

次韻孔彥常舍人曝書

悼子開五首

次韻安州晚行寄傳師

次韻莘老 以下排律

送陳太初道錄

贈燕子瞻

觀寶林塔張燈次胡瑗韻

還自湯泉十四韻

卷之四

詩 七言律 絕句附

送佛印

次韻公闢會流觴亭

次韻公闢會蓬萊閣

送羅正之兩浙提刑

辨才法師嘗以詩見寄繼聞示寂追次其韻

次韻公闢州宅月夜偶成二首

次韻公闢卽席見寄

次韻公闢將受代書蓬萊閣

次韻公闢聞角有感

寄公闢

呈公闢

奉和莘老

秋興擬杜子美

秋興擬杜牧之

秋興擬白樂天

中秋口號

致政通議口號

口號

早春

赴杭倅至汴上作

無題

蘇子瞻記江南所題詩本不全余嘗見之記

其五絕今以補子瞻之遺

東坡跋并詩見正集十卷

金山晚眺

病中

聞鴈懷邵仲恭

冬蚊

白馬寺晚泊

雪上感懷

和程給事贈虞道判六首

處州閑題

春詞絕句五首

秋詞二首

齊逸亭

春日

雪中寄丹元子

宿乾明寺方丈

新開湖送孫誠之有龍見於東北因成絕句

呈李公擇

落日馬上

次韻參寥三首

和書天慶觀秘監堂三首

和書觀妙庵

早春題寺舍

盆池釣翁

賞醪醑有感

首夏

卷之五

雜文

代蘄州守謝上表

代程給事乞祝聖表

坤成節功德文疏

代答范相公啓

賀孫中丞啓

賀吏部傅侍郎啓

代何提舉賀范樞密啓

賀門下呂僕射啓

謝穎州呂吏部啓

答丁彥良書

與許州范相公書

祭監稅主簿文

卷之六

雜文

清和先生傳

法雲寺長老然香會疏文

越州請立程給事祠堂狀

精騎集序

故龍圖閣直學士中大夫知成都府事李公

行狀

雜說

通事說

蠶書

種變

時食

制居

化治

錢眼

鎖星

添梯

車

禱神

戎治

書丁彦良明堂議後大夫賦

錄龍井辯才事

書王氏齋壁

題彭景山傳神

淮海間居集自序

卷上

長短句

望海潮四首

沁園春

水龍吟

八六子

風流子

夢揚州

雨中花

一叢花

鼓笛慢

促拍滿路花

長相思

滿庭芳三首

江城子三首

滿園花

迎春樂

卷中

長短句

鵲橋仙

菩薩蠻

減字木蘭花

木蘭花

畫堂春

千秋歲

踏莎行

蝶戀花

一落索

醜奴兒

南鄉子

醉桃源

河傳二首

浣溪沙五首

如夢令五首

阮郎歸四首

滿庭芳三首

桃源憶故人

卷下

長短句

調笑令十首
并詩

王昭君

樂昌公主

崔徽

無雙

灼灼

盼盼

崔鶯鶯

採蓮

烟中怨

離魂記

虞美人三首

點絳脣二首

品令二首

南歌子三首

臨江仙二首

好事近

詩餘

搗練子

秋閨

憶王孫

春景

如夢令

春景二首

浣溪沙

春閨

阮郎歸

春閨

旅况

畫堂春

春怨

海棠春

春曉

眼兒媚

春景

青

桃源憶故人

春閨

鷓鴣

春閨

蝶戀花

感舊

滿庭芳

春景

南歌子

贈妓陶心兒

金明池

春遊

淮海後集目錄終

淮海後集

七

淮海後集卷一

詩

五言古

進南郊慶成詩

并表

右臣伏觀皇帝陛下肇修典禮冬日之至親有事於南郊仍復祖宗故事以皇天地祇合祭前期之日陰雲蔽空將祀之夕月躔畢宿詩云月離于畢俾滂沱矣於法當雨而是夜開霽特甚晏溫星月昭明禮畢之明日雨雪乃作朝市郊野相告欣然頌嘆之聲形于中外非二聖有作上當天心神祇顧享何以逮此

臣雖疎賤通籍秘省預見熙事不勝犬馬區區之情
輒將與人之頌撰成郊禮慶成五言二十韻詩一首
隨狀上進于冒宸嚴臣無任瞻天望聖激切屏營之
至。於赫龍飛後中區八月秋合嚴天地祀遠繼祖宗休
熙事將興舉彝章預講諷紛然曲臺議斷自太妊謀
宗伯方承命元龜遂告猷三錢封內帑五瑞輯諸侯
路寢前齋玉清宮復射牛長迎南至日圓卽自然丘
扈、蹕、三、千、劍、干、霄、十、二、樓、鈞、陳、嚴、御、座、太、一、奉、宸、遊、

好雨虛聞畢生陽不待鄒浮雲依斗散華月亘天流
宵被黃裯却霜空曲蓋收堪輿同顧饗河嶽盡懷柔
麾日初鳴仗旂風不滿旒回鑾龍入馭傳詔鶴爲郵
崇慶天難老華胥聖不憂衣冠千玉簡宇宙一金甌
可但豐年屢當知世德求慙無班馬手作頌配商周

· 幽眠

幽眠起常晚冬晷復不長中間數十刻倏如驚燕翔
晨食粗云畢申鼓鳴相望忽忽竟何就念之動中腸
天地一逆旅死生猶轉商暫來旋云去遲速乃所常

較計亦何補徒然非慨慷不如聽兩行一槩付酒觴
比風吹老槐白日轉紙牕布衾一覺睡身世成渺茫
宿莽冬不衰蘭蕙幽更芳無庸傷局促速此鬢髮霜

越王

越王念吳役寢典常不安有臣曰種蠡實與同艱難
終酬會稽耻列國不取干智者見未兆愚夫暗前觀
范公拂衣去扁州五湖間清輝照四海秋月耿雲端
種也竟不悟處之若無難屬鏤一朝至身與名俱殘
兔走獵狗悲烏盡良弓閑自古身不退多為世所歎

隕星石

蕭然古丘上有石傳隕星胡為霄漢間墜地成此精
雖有堅白姿塊然誰汝靈犬眠牛礪角終日蒙羶腥
疇昔同列者到今司賞刑森然事芒角次第羅空青
俛仰一氣中萬化無常經安知風雲會不復歸青冥

山陽阻淺

一日行一尺十日行一丈豈不歎淹留所幸無波浪
悲風動深夜原野眇森爽青天行蟾蜍枯水轉颺颺
此時蓬茅下去心劇於癢棄置勿復論通塞如反掌

次韻參寥莘老

迅風薄高林萬象號虎豹紛披枳與棘爾復鼓狂闌
我垣旣已頽我棟又以撓豈無一木支橫力難與較
黎明忽自罷晴日射魚罩死水失在瀾衰木回故貌
勞生真夢事往趨如睡覺炊黍焚黃鶉吾其理歸棹

送洪景之循州參軍

寒梅不自重輒花桃李先矯枉有佳菊最後衆芳妍
各因一時美難以相嗤憐物理固若是士林亦宜然
夫子南國俊聲猷推妙年數竒晚方偶參軍古龍川

龍川雖云遠風物號清鮮羅浮不相下頽頽巉荒天
雲鬢二三子聊足奉周旋行矣試老拳歸歟遠翔騫

茶

茶實嘉木英其香乃天育芳不愧杜蘅清堪揜椒菊
上客集堂葵圓月探奩盃玉卽注漫流金碾響支竹
侵尋發美鬯猗猗生乳粟經時不銷歇衣袂帶紛郁
幸蒙巾笥藏苦厭龍蘭續願君斥異類使我全芬馥

茶曰

幽人耽茗飲剗木事搆撞巧制合口形雅音侔祝檉

虛室困亭午松然明鼎窓呼奴碎圓月搔首聞錚鏦
茶仙賴君得睡魔資爾降所宜玉兔擣不必力士扛
願借黃金碾自比白玉缸彼美制作妙俗物難與雙
佛宮琢琳瑯懸魚警群聰緩扣集方袍急拊趨百工
雖無筍虞器自恊徵與宮犁然當人心邈有炎氏風
山泉自疏數珮玉相玲瓏朝昏聞鐘鼓清響傳無窮
惟有寶隋山於音獲圓通一聞如得解石鞞亦投弓

劉公幹

鄴中多賢豪公幹氣飄逸弱歲頗徊徨飄零低金室
君王事邀宴下馬列琴瑟豪吹挾哀彈娛歡非一日
當年侍賡酬珠玉在揮筆五字一何工妙絕冠儔匹
所得雖經寄未得偏人失

贈醫者鄒放

百工皆聖作惟醫有書傳緒餘起人死妙處實通天
鄒子本淮海弱齡加討研岐扁逢卷中遂知百病先
往歲遊京室公侯紛薦延國工不敢妬遣兒求執鞭
晚棄本州役青衫鬢蕭然臨衢開大肆旁午送金錢

嗣子頗不凡。文場早周旋。行期拾青紫。善積神所憐。
贈張潛道

張生何爲者。落魄不自拘。獨携三尺琴。笑別妻與孥。
一來泊吾里。忽已月再虛。朝游故人館。暮止佛子廬。
雖無食羹餘。所樂常晏如。我欲有所進。生聞勿煩紆。
君子閑有道。不專塊然居。無道祗深適。鳴戲亦已愚。
願生脫塵鞅。從我滄海隅。

荷花

方塘收雨脚。落日半遙岑。芙蓉淨娟娟。麗服撫翠衾。

味

無言意自遠。欲渡秋水深。緬懷平生人。對此詎可尋。
弄芳惜晚晚。酒至誰與斟。天涯有歸雲。聊寄相思心。
心開獲清賞。芙蓉一何綺。美人艷新粧。歛袂照秋水。
端如蕩子妻。顧自良家子。黃金選燕趙。搖落對江芷。
薄暮風雨來。獨立淚如洗。望君君詎知。傾官定誰似。

酬曾逢原參寥上人見寄山陽作

倦客當老秋。忽忽少佳意。孰云塵滓地。劉阮肯俱至。
一披清骨毛。再見失身世。有如執盛熱。僚月濯涼吹。
又如觀巨梓。却覘蕭葦細。十辰同遨遊。不覺日車逝。

嗟予逃空虛終日面林巖聞人足音喜况乃道所契
方念衣袖分明月忽我昇眷言何以酬白髮同所詣

吳興道中

黽勉華門下十年守一方胡爲御舟者挽我置此傍
青山不肯盡流水故意長雖云道理遠瓦樽有酒漿

無題二首

君子有常度所遭能自如不與死生變豈爲憂患渝
西伯囚演易馬遷罪成書性剛趣和樂淺淺非丈夫

又

世事如浮雲飄忽不相待歛然化蒼狗俄傾成章蓋
達觀聽兩行昧者乃多態舍旃勿重陳百年等銷壤

喜雨得城字

陰陽有常職代御不可并一氣或錯繆愆伏相寇兵
惟時四月交南國厭久晴風師挾帝令呼號肆徂征
雲師畏推逐蓄意不敢爭雨師曠厥官所苟朝夕生
黃塵暗如霧掩彼日月明帝眷一夕回旱議沮莫行
奮然需膏澤夜半來雨聲黎明縱遐眺溝澮各已盈
青秧散廣畝白水涵孤城耕夫欣有託水鳥飛且鳴

乃知化工妙悠然信難名行矣耘我穡歲終竚坻京
東城被盜得世字

野人無機心觸事少防衛所至輒酣寢屢墮穿窬計
孤亭夜深墨風死雨初霽有盜穴壁來攘取逮衾袂
微思不敵怒弱力鼓虛銳起搏且復呼可否誰量勢
誰云同室聞函丈莫相繼兩奴眠牖旁矯首但睥睨
棄之倚柱休盜亦從此逝慚無牛缺賢幸脫燕人斃
亡弓豈須求失馬不必涕黎明成感歎事往若異世
良賈號深藏無閔稱善閉君子勿我誇得喪求無際

夢伯牧文公

昨夜夢故人心顏少歡趣自嗟棄有司却言歸山路
君王下明詔群英翕爭赴焦鵬共揮翮跛鼈亦騁步
擾擾天地間飛鳥不知數何意獨蕭條命與時相忤
空復蔽馬牛不爲匠人顧昔爲土中花行待東風煦
今爲簷下草遠矣霑秋露老母鬢成絲寒妻被無絮
歲莫多嚴風絺綌將焉度覺來不復見撫枕淚如注
安得萬頃陂活此舟中鮒

秋夜病起懷端叔作詩以之

寢瘳當老秋入夜庭軒空天光脆如洗月色清無縫
風颺戾戾輕露氣霏霏重簷花伴徐步籠燭窺孤諷
緬惟情所親佳辰誰與共夫子淮海英材大難爲用
秉心旣絕俗發語自驚衆塵尾扣球琳筆端攢蟠蝟
雄深迫楊馬妙麗該沈宋浮沈任朝野魚鳥狎鯢鳳
與時真楚越於我實伯仲爾來居邑鄰頗便書札貢
慙鴻雁傳下託鯉魚送二物或愆時已辱移文訟
人生無根柢泛若凌波葑昧者復汲汲晨暝趨一閤
陰持含沙毒射影期必中自匿嫫母容割客施錦幪

溘然一朝逝萬事俱成夢形骸猶汝辭刊勢猶君動
思之可太息傷之爲長慟所以古達人脫身事高縱
我生尤不斂胷腹常空洞彊顏入規模垂耳受羈鞅
行謀買竿棹名理就折衷但恐狂接輿煩君更嘲弄

送孫誠之尉北海

吾鄉如覆盂地據揚楚春環以萬頃湖黏天四無壁
蜿蜒戲神珠正晝飛霹靂艸木無異姿靈氣殊鬱積
所以生郡材各抱荆山璧小爲百夫防大爲萬人敵
夫子少邁倫暗鳴阻金石奏賦明光宮玉座瞻咫尺

滄海集卷一
九
翻身墮雲霄、十載迨窮厄、焚舟更一戰、得尉滄海北、
五月乘畫船、簫鼓事遠適、天橫齊山青、雨帶楚水黑、
勿云晚方仕、四十乃古昔、勿云名位卑、九萬自此擊、
幽求尉朝邑、鬢髮森已白、元振尉通泉、律令非所卽、
一朝會風雲、顧盼立四極、行矣壯舊圖、
此下缺文

抱甕

滑滑抱甕人、汙呼治其內、仲尼爲所輕、子貢無以對、
捨器欲還樸、爲量固已隘、苟得渾沌真、寧羞事機械、

讀列子

咄咄兩小兒、多言空爾爲、後之日無定、不覺心有期、
尺捶探蒼溟、但令傍者嗤、誰謂不能決、孔丘乃真知、

和顯之長老

禪子觀因緣、寸晷無復餘、講人治經論、艾夜猶未除、
冷風奏哀松、寒月挂碧虛、此意了不諭、悲哉同翳如、

清夜

子夜天無雲、稀星耿頑碧、茫茫夕殺者、對此焉不息、
胡爲蝸角端、相與競尋尺、勸君歸去來、飛空鳥無跡、

南池

汎汎池中鳧上下與水俱不力所以全其軀

遇物貴含垢脩身戒明污胡能若雲月浪自驚群愚

和王定國

崢嶸歲月徂物色於邑歡言公子至坐失百憂集
宵箔蕙煙橫寒炷玉脂泣勉旃決南圖荷華行滿隰

題五柳亭

結構依流水新五柳亭登臨有遺味攀折不勝情

隔岸聞聞鼓連軒舟舫橫此下缺文

逍遙北窗下百事遠客慮無端葉間蟬催促時節去
愁起如亂絲縈纏不知緒日月豈得已還復役朝暮
人生均有得悲歎我不悟春秋自天時感憤亦真趣

擬孟郊

曉風有暴信暮蟬無好聲曉風與暮蟬自與時節爭
獨客辭故鄉推車謁梁城梁城道迢遞區區役吾生
不如歸舊山藜藿安性情

擬韋應物

坐投林下石秋聲出疎林林間鳥驚棲豈獨傷客心

物亦有代謝，此理共古今。鄰父縮新階，林下邀同斟。
癡兒踏吳歌，姪姪足訛音。日落相攜手，涼風快虛襟。

小坡清古山，巖壑交封林。

...

...

...

...

...

淮海後集卷一終

淮海後集卷二

詩 七言古

宿金山

山南山北江水流，半空金碧隨雲浮。我來仍值風日
好，十月未寒如晚秋。山僧引客尋蒼翠，歷卷參差到
平地。萬里風來拂骨清，却憶人間如夢寐。夜深無風
月入扉，相對老人如槁枝。流水與天爭入海，共笑此
心誰得知。下山却向中泠望，番憶當時在屏障。老母
思兒且欲歸，回首雲峰已天上。

七言古覺
更公之所
張

別賈耘老

若有人兮雪之濱。服火齊兮冠切雲。有才不爲世所
掄。盡入詩句爲奇新。忘歸繁弱不浪陳。發必中的疑
有神。目關飛鳥緡蒼鱗。俛仰自娛忘賤貧。繫我與君
素參辰。孰爲一見同天倫。共指飛光易沈淪。莫若痛
飲還我真。况有內子賢文君。終日叫呼不怒嗔。酒酣
往往出前珍。瓦甌竹筴羞青芹。左列文史右紅裙。樽
前不覺徂清晨。念我行當西道秦。拏舟來別非所欣。
欲託毫素通殷勤。郢匠旁屬難揮斤。人生百齡同臂

伸。斷梗流萍暫相親。行行飲酒且勿云。丈夫萬里猶
比鄰。

李端叔見寄次韻

君文豪瞻無與儔。使我吟諷忘離憂。浩如沅湘起陽
侯。翻星轉日吞數州。華章藻句饒風力。頃刻朱紅迷
畛域。一班縱復爲管窺。萬派終難以蠡測。區區文墨
倦高情。解鞅還游恍惚庭。半槽新水六尺簞。臥視雲
物行空青。伊我籃輿抵京縣。溽暑黃埃負初願。君家
只在御城東。彌月不能三兩見。求仙未若醉中真。蟻

海海集卷二
鬪蛾飛愁殺人。清都夢斷理歸棹。回首一樹瓊枝新。
歸來艸木春。風換世事蝟毛。那可筭。幸謝故人頻寄
書。莫笑元郎自呼漫。

陳令舉妙奴詩

西湖水滑多嬌嬌。妙奴十二正芬芳。肌膚暫白髮脚
長。含語未發先有香。溪上夜燕侍簪裳。皎如華月墮
滄浪。音聲入雲能斷腸。不許北客辭酒漿。主人請請
那之良。少年射策謁未央。俊詞偉氣森開張。玉杓貫
斗生怒芒。天欲文采老更昌。故使歛翮窺羣翔。五

僅補尚書郎。浩歌騎牛倚倘佯。東風戲雨花艸狂。二
溪泱泱青黛光。妙奴勿倦侑羽觴。主人正欲游醉鄉。

自警

古人去後音容寂。何處茫茫尋舊迹。君看艸遍北邙
山。鶻觝猶來丘壘積。那堪此地日黃昏。長途萬里傷
行客。只知恩愛動傷情。豈悟區區頭已白。莫嫌天地
少含弘。自是人心多褊窄。爭名競利走如狂。復被利
名生怨隙。貪聲戀色鎮如癡。終被聲色迷阡陌。休言
七十古稀有。最苦如今難半百。聞道蓬宮仙子閑。紅

塵不染無瑕謫日月遲遲異短明三峰秀麗皆仙格
 女蘿覆石蔓黃花芝艸琅玕知幾尺桃源長占四時
 春漾漾華池真水碧乘槎擬欲扣金局巨浪洪波依
 舊隔歸來芳舍與誰儔老鶴松間三四隻唳天聲動
 彩雲飛對我時時振長翮鸞未遇且悠悠盡日琴
 書還自適紛華任使投吾前爭奈此心終匪石拜命
 懷金誰謂榮低頭未免拾言責從茲俗態兩相忘笑
 指青山歸路僻同人有志覓長生運氣休糧徒有益
 須知下手向無爲莫學迷徒賴針灸

陪李公擇觀金地佛牙

薄伽梵相含空虛化人分段同璠璣爾來示滅二千
 歲真骨萬里傳中區錢塘有尼號法照得自禁掖藏
 金舖欲因此勝高構閣假設象似開羣愚偶從好事
 至雪上持出瞻玩相歡娛靈牙寶色玉不如上有無
 數光明珠莊嚴一一出御帑蜿蜒繡袋榮碑礫是時
 賓客盡上士回向已登十地初殷勤稱讚出軟語坐
 人顧眄驚俗汚因悲人生信如夢浪逐聲勢霜鬢鬢
 一源清淨誰復無在入諸趣更崎嶇願因今日詣真



際古松白日常蕭疎一知金仙妙難測餘潤普及霑
凡枯况復老尼亦才辯朱薨碧瓦非難圖行看岵嶠
倚青嶂翁姬頌說傾三吳

雪浪石

漢庭卿士如雲屯結綬彈冠朝至尊登高履危足在
外神色不變惟伯昏金華掉頭不肯住乞身欲老江
南村天恩許兼兩學士將兵百萬守北門居士疆名
曰天元窟窳山水勞心魂高齋引泉注竒石迅若飛
浪來雲根朔南修好八十載兵法雖妙何足論夜闌
看漢人馬靜想見雉堞低金盆報罷五更人吏散坐
調一氣白元存

和蔡天啓贈文潛之什

蔡侯飽學困于釜濯足清江起南土劇談頗似燕客
豪快奪范睢如墜雨東城橋梓未足論栢直何爲口
方乳蔣信山中伴香火三年不厭長蔬苦平生瑰瑋
有誰同要得張侯三日語晝閑那自運甕怵時清不
用聞雞舞桓榮歡喜見車馬書冊辛勒立門戶要當
食肉似班超猛虎何嘗窺案俎

秋興擬李白

芙蓉露濃紅壓枝。幽禽感秋花畔啼。玉人一去未回。
馬梁邊燕子三見歸。江頭白蘋老波底。尺書不來空
相望。斜吹疎雨濕秋江。霜風暗引芙蓉香。石上菖蒲
三尺長。綠頭鴨兒棲萍草。採蓮女郎笑花老。木蘭船
上動江水。不覺鴛鴦帶波起。

擬玉川子

南州有病客起臥北窗下。玉兔斲花照清夜。故人別
我京洛遊。不寄一行三敗秋。秋色變冷客裘薄。漸覺
衣袂寒飈颭。作詩欲寄君未語。先有愁不如呼童起。
危坐北窗下一杯寬。我干日憂眼前俗事何擾擾。此
夕盡向杯中休。何必懷黃金印兮爵通侯。

擬李賀

魚鱗鬖空排嫩碧。露桂梢寒挂團壁。白蘋風起吹北
窗。水鯉沉沒斷消息。燕子將鷁欲歸去。沈郎病骨驚
遲暮。濃愁茫茫寄何處。萬里江南芳艸路。

淮海後集卷三

詩 五言律 排律附

次韻孔彥常舍人曝書

上帝圖書府傳觀詔特容嘉賓蒼佩玉盛饌紫駟峯
散帙牙籤亂開函錦襲重君羨如可請願備北堂供

悼王子開五首

我昔官房子長懷忠穆賢里無行馬第山有臥牛阡
當代三公後惟君五福全桐棺遠歸祔追舊幾潸然

其二

早爾金閨彥。頎然玉筍班。周旋三友益。零落十年間。
輾轉靈輻動。悠揚素旆還。暮年還抱愛。應復辨追攀。

其三

蕭散竹林風。平生約畧同。官班嵇叔夜。年輩晉安豐。
民詠濡須政。朝推胸臆功。九原無復作。埋玉恨何窮。

其四

南浦維舟訪。東堂抵榻眠。後期猶指日。輕別遂終天。
墨妙今初貴。詩名久已傳。清風如未墜。諸子更翩翩。

其五

已矣知無憾。賢愚共此途。白駒馳白日。黃髮掩黃壚。
和氏終歸趙。干將不葬吳。挈疴如可強。猶擬奠生芻。

次韻安州晚行寄傅師

投暮安州北。蒼煙亂眼昏。茅茨人外路。砧杵月邊村。
野水飛雲薄。空林噪雀繁。幾人堪此樂。逢客莫輕論。

次韻莘老排律

妙齡隨計日。緝髮度關年。較藝先豪俊。飛聲動渺綿。
秘書窺甲乙。密室詣溫宣。已叶半千運。尺五天。
御香春晚炷。官蠟夜深燃。漢殿螭頭筆。岐藩幕下蓮。

孔鸞人共貴。蘭蕙世皆憐。附尾方瞠若。提刀獨若然。
皂囊封細札。青簡續遺編。壁府深難造。龍謀雋莫先。
太農參奏計。宗伯與興賢。玉鉉行真卽。金甌忽浪傳。
兩輪茗上駕。百丈剡中牽。荏苒馮唐老。淹回賈傅還。
星霜俄九換。金竹遽三遷。鼓吹吳雲外。旌旛楚水孺。
經綸殊未倦。憂患復相連。惡草空搖毒。羣蝸謾污涎。
松筠終不易。雨露竟無偏。憔悴千株橘。荒涼二頃田。
幾書借船帖。屢廣絕交篇。禪譽推龐蘊。親評主閔騫。
懶因閑處極。樂向靜中全。歲月黃塵裏。鶯花白髮前。
冰臺清照底。玉海湛無邊。身世尤飛隼。功名渺蛻蟬。
蕉心難固待。楮葉謾勞鐫。佇續清都夢。還隨濁世緣。
泉虬淹已久。風翮去應便。預想朝元處。簪裾立萬仙。

送陳太初道錄

先生簪紱後世系。本綿瓜。駐馬生枯骨。回車濟病虵。
帶雲眠酒市。和月醉漁家。落日千山路。西風一枕霞。
幾年沉俗笑。一旦五侯誇。碁惜春深日。棊憎雨後蛙。
背因書字曲。髮爲注經華。地轉東淮水。天回北斗車。
新宮黃道近。舊隱白雲遐。顧我身多累。逢君意謾誇。

二語詠老僧
更切

空提方士劍、未上客星槎、何日同歸去、重飛九轉砂、

贈蘇子瞻

嘆息蘇子瞻、聲名絕後先、衣冠傳盛事、兄弟固多賢、
感慨詩三百、流離路八千、直心羞媚竈、忠力欲回天、
縲繼終非罪、江湖祇自憐、饑寒常併日、疾病更連年、
明主無終棄、西州稍內遷、奏言深意苦、感涕內人傳、
前席須宣室、非熊起渭川、君臣悅相遇、願上角招篇、

觀寶林塔張燈次胡瑗韻

飛來峯上峇然客、奉慈觀互照三山、豕分輝七寶欄、
勢擎金界迥影蘸、玉奩寒次第邊、烽舉高低祭燭攢、
虹旌排陣堞、火傘御靈官、魏乘珠千顆、隋帆錦萬端、
華敷連藏海、光集匝宮壇、罔罔連青昊、熒熒逼翠巒、
月卿秋杼思、星將夜濡翰、繼聽鈞天奏、尤知屬和難、

還自湯泉十四韻

歲晚倦城郭、聯緜度業峩、天黃雲脚亂、村黑鳥翎訛、
潦水侵生路、晴天落漫坡、澄江練不卷、溫井鑑新磨、
漁火分星遠、沙鷗散點多、霸祠題玉筍、龍窟受金波、
琬琰存吳事、兒童記楚歌、孤龕瘦居士、雙塔老頭陀、



飛鼠鳴深穴。胡蜂結巧窠。晚參圓白足。昏梵禮青螺。
雲馭沉荒鬢。仙春沒淺莎。杖藜從莫逆。談笑入無何。
滲澹日連霧。蕭騷風轉阿。華清俄夢斷。回首失煙蘿。

淮海後集卷三終

淮海後集卷四

詩 七言律 絕句附

送佛印

并包初捨蔚頭藍。江月松風處處參。他日惠林為上
首。幾年彌勒作同龕。真珠撒帳開新座。飛鳥嚙花繞
舊庵。雲散虎溪蓮社友。獨依香火思何堪。

次韻公闢會流觴序

偷引湖光一派飛。詠觴還却似當時。吳歌送酒隨流
急。越艷浮花轉曲遲。山廟早因前守徹。水盤元是故

工遺年年禊飲今非昔不到蘭亭到北池

次韻公闢會蓬萊閣

林聲撼撼動秋風共躡丹梯上卧龍路隔西陵三兩
水門臨南鎮一千峯湖吞碧落詩爭發塔湧青冥畫
幾重非是登高能賦客可憐猿鶴自相容

送羅正之兩浙提刑

豈爲鱸魚憶故丘東南昏墊賴良謀一封莫別雲間
閣三組秋歸海上州子政暫爲都水使千秋終作富
民侯贈君一語君應笑競注江河本不流

辨才法師嘗以詩見寄繼聞示寂追次其韻

遙聞隻履去翛然詩翰纔收數月前江海盡頭人滅
度亂山深處塔孤圓憶登夜閣天連鴈同看秋崖月
破煙尚有衆生未成佛肯超欲界入諸禪

次韻公闢州宅月夜偶成二首

新秋過雨月如霜緩足蓬萊徹上方翠木玲瓏藏寶
界白煙濃淡鎖華堂書名越艷誰興發角動單于自
感傷山似臥龍天以水却疑身在海中央

又

繚繞千重雨後涼月含秋色上東方風催絡緯歸金
井月轉檀欒蔭書堂游目騁懷佳興發感時撫事壯
心傷歸來枕簟清無夢臥看明星到未央

次韻公闢卽席呈太虛

與君鄰並共煙霞乘興時時過我家更漏一新聞曉
角門闌數級看秋花湖山對值全如買風月相期不
用賒賴有醉毫吟更苦他年分作句圖誇

次韻公闢將受代書蓬萊閣

城連湖岸水爲關旦暮樵風自往還龜負寶林新佛

地龍蟠使宅老仙山平生仕宦今何得終日登臨獨
未閑歲滿徘徊難遽別就中瀟洒異人間

次韻公闢聞角有感

一聽胡笳動越吟聲潛地底氣逾深千宮月色單于
曲萬里天光魏闕心秉燭何人猶把盞挑燈有女正
穿針早寒時節黃昏後更逐西風應遠砧

寄公闢

憶昔都門手一攜春禽初向苧蘿啼夢回金殿風光
別吟到銀河月影低舞急錦腰迎十八酒醒玉盞照

東西何時得遂扁舟去邂逅從君訪剡溪

呈公闢

東歸行路歎賢哉碧落新除寵上才
白傅林塘隨畫去吳山花鳥入詩來
唱酬自有微之在談笑應容逸少陪
除此兩翁相見外不知三徑為誰開

奉和莘老

童子何知幸最深久班籍湜奉登臨
挾經屢造芝蘭室揮麈常聆金玉音
黃卷香焚春院晚絳紗人散夜蕭森
明朝只恐絲綸下回首青雲萬里心

秋興擬杜子美

調弱不似

紫領寬袍漉酒巾江頭蕭散作閑人
悲風入意催林葉落日無情下水濱
車馬憧憧諸道路市朝衮衮共埃塵
覓錢稚子啼紅頰不信山翁篋笥貧

擬杜牧之

鼓鼙夜戰北窗風霜葉鋪堦疊亂紅
一段新愁驚枕上幾聲悲雁落雲中
眼前時節看馳馬日下生涯寄斷蓬
弟妹別來勞夢寐杳無消息過江東

擬白樂天

得白翁懶游
白適意

不因霜葉辭林去的當山翁未覺秋北里酒錢煩屢
索南洲詩債懶頻酬欲歌金縷羞紅粉擬插黃花避
白頭底事登臨好時節等閑收拾許多愁

中秋口號

并引一云雲
山閣白語

伏以四難并得既為尊俎之佳期五福具膺實號摺
紳之盛事矧中秋之屆候宜公燕之交歡恭惟判府
大資身遇聖神家傳將相時應半千之運論歸尺五
之天姓名久在於金甌方面暫分於玉節浮堦飛閣
引南國之佳人豪竹哀絲奏西園之清夜

雲山簷楯接低空公宴初開氣鬱葱照海旌藩秋色
裏激天鼓吹月明中香槽旋滴珠千顆歌扇驚圍王
一叢二十四橋人望處台星正在廣寒宮

致政通議口號

并引一作
秋燕口號

竊以五福具膺實摺紳之盛事四難并得亦尊俎之
佳期恭惟致政通議馬鶴英姿鼎槐華胄身見六朝
之盛位登兩省之崇北陌東阡時命青牛之駕左圖
右史日從赤松之遊判府左丞神嶽殊鍾星躔異稟
方面雖分於玉節姓名已覆於金甌舉白飛觴極水

陸四方之饌彈絲擊石盡賓主一時之歡
秋空盡隼照新晴符隱庵前小隊停玉尊金醪通繼
繼鳳笙龍管入青冥靚粧醜酒花侵席寶獸呀香霧
滿庭太史應占豫州分上台星近老人星

口號

并引

以下七言

續

美酒忘憂之物流光過隙之駒不稱人心十事常居
八九得開口笑一月亦無二三莫思身外無窮且賭
尊前見在功名富貴何異楚人之弓城郭人民問取
遼東之鶴付與香鈿盡鼓盡歡美景良辰欲奏長謠
聊陳短韻
平原居士今無影鸚鵡空洲誰舉杯猶有漁陽慘搗
鼓為君醉後作輕雷

早春

黃金款款滿垂楊尚有春寒到畫堂酒力漸銷歌扇
怯入簾飛雪帶梅香

赴杭倅至汴上作

俯仰觚稜十載間扁州江海得身閑平生孤負僧牀
睡准擬如今處處還

淺語自後

無題

掃地燒香閉閣眠。簾紋如水帳如煙。客來夢覺知何處。挂起西窗浪接天。

蘇子瞻記江南所題詩本不全。余嘗見之。記其

五絕今以補子瞻之遺

東坡跋并三絕見正集第十卷擬續錦詩注下

紅窗小泣低聲怨。永夕春風斗帳空。酒落花飛絮亂。曉鶯啼破夢忽忽。

其二

晞艸露如露。伴薄亂花飛。似妾情多。歸鴻見處彈珠

淚。語驚聞時。歛翠蛾。

其三

琴絃斷續愁兼恨。嶺水分流西復東。深院小屏紅日落。繡牕閑倚更誰同。

其四

參橫霽色天沉水。鳥宿寒枝竹瑣煙。衾惹舊香清夜半。淚凝殘燭畫堂前。

其五

寒信霜風似葉黃。冷燈殘月照空牀。看君記憶傳文

錦字字愁縈惹斷腸。

金山晚眺

西津江口月初弦。水氣昏昏上接天。清渚白沙茫不辨。只應燈火是漁船。

病中

踈簾薄幔對青燈。鸚鵡喧喧自轉更。風雨渺漫人臥病。地爐湯鼎更悲鳴。

聞雁懷邵仲恭

楚澤吳天去未遲。煩君且傍蒜山飛。白袍居士如

問爲說。羅塵欲滿衣。

冬蚊

蚤蠆蜂虫罪一倫。未知蚊子重堪嗔。萬枝黃落風如射。猶自傳呼欲噬人。

此詠有寓

白馬寺晚泊

濛濛晚雨暗回塘。遠樹依微不辨行。人物漸稀疎磬斷。綠蒲叢底宿鴛鴦。

雪上感懷

七年三過白蘋洲。長與諸豪載酒游。舊事欲尋無處

問雨荷風蓼不勝秋。

和程給事贈虞道判六首

刀圭雲母具晨餐門對三層步斗壇
夜考鶴經分七九曉占歲氣辨齡丹

其二

火棗交梨近可食不須地肺及天壇
龜藏坎海毛皆綠鳳宿離宮色自丹

其三

紫府沉沉掩夜關竹陰清掃月中壇
歲星偷得桃枝碧

碧董奉栽成杏子丹

其四

囊中玉色已經飡醉拂絲桐坐杏壇
應笑倦游塵滓客鬢毛蕭瑟事鉛丹

其五

漢武遊心縹緲間文成五利盡登壇
何如屈曲韓夫子不羨神君白玉丹

其六

使君本住道家山時訪元都太古壇
陰惠已能追許

令治功不獨過韋丹

處州閑題

清酒一杯甜似蜜美人雙鬢黑如鴉莫誇春色欺秋色未信桃花勝菊花

春詞五首

蒲萄裊暖蕙薰微紅日窺軒睡覺時人倦披衣雙燕出青絲高骨木蘭枝

其二

弱雲亭午弄春嬌高柳無風妥翠條懶讀夜書搔短

髮隔垣時聽賣錫簫

其三

都城春富百花披長憶人歸駐馬時淺色御黃應好在為誰還發去年枝

其四

風驅白雨洗園林蔽地飛花一寸深狂紫浪紅俱已矣老春雖在亦何心

其五

顛毛漸脫風情少匣劍空存俠氣銷人遠地偏無酒

肉春深花鳥謾相撩

秋詞二首

雲惹低空不更飛
班班紅葉欲辭枝
秋光未老仍微暖
恰似梅花結子時

又

無數青莎繞玉階
夕陽紅淺過墻來
西風莫道無情思
未放芙蓉取次開

齊逸亭

酸發郎君更不歸
故亭蕭瑟異當時
玉笙金管渾如

夢只有梅花三四枝

春日

殘臘渺茫雲外日
新春彷彿夢中來
雪霜便覺都無力
只見桃花次第開

雪中寄卍元子

陰風一夜攪青冥
風定紛紛雪片零
想是玉清真境上
白虛光裏誦黃庭

宿乾明方丈

漫天白雪無端現
佛室夜艾烏更啼
相逢解頰足自

慰勿語俗子念心攜

新開湖送孫誠之有龍見于東北因成絕句

狂客走影暗悠悠。齒齒吹風五月秋。黃綬不為無氣

槩蒼龍隨尾送行舟

呈李公擇

青箋擘處銀鈎斷。紅袂分時玉筯懸。雪脚漸收風色

緊。半規斜日射歸船。

落日馬上

日落荒阡白霧深。紫騮嘶顧出疎林。回頭已失來時

路杳杳金盤墮翠岑

次韻參寥三首

武陵漁子入花源。但見秦人不得仙。會有黃鸝鳴翠

柳。何妨白眼望青天。

其二

長安仕路與雲齊。倦僕羸驂不可躋。但得玄暉曾折

簡。何須平子更安題。

其三

且折花枝醉復醒。人間時節易崢嶸。屠龍肯自羞無

用畫虎從人笑不成

和書天慶觀賀祕監堂三首

老仙舊地枕東城古木參天警晝聲我亦願為方外友風流何必並時生

其二

史君平昔慕高新一到祠堂意一新戶外黃冠應指點公應便是謫仙人

其三

衣履蕭條氣久清豪家門館未嘗行朱甍碧瓦何從

行幾有陰兵夜助成

和書觀妙菴

龍瑞宮中種玉人誅茅結室傍秋雲自言洞裡山川別此處千分未一分

早春題僧舍

東園紫梅初破蕊北澗綠水方通流歸去一春花月裏定應常在此中遊

盆池釣翁

誰刻仙材作釣翁尺池終日釣微風令人却憶鴟夷

子散髮五湖狂醉中

賞酴醿有感

春來百物不入眼唯見此花堪斷腸。借問斷腸緣底事。羅衣曾似此花香。

首夏

節物相催各自新。凝心兒女挽留春。芳菲過盡何須恨。夏木陰陰正可人。

淮海後集卷四終

淮海後集卷五

表啟

代蘄州守謝上表

愚罪著明當以萬死。聖恩寬大尚假一麾。顧惟昧冒之深。第積戰兢之至。伏念臣不學無術。寡偶少徒。荷先帝之誤知。繇常員而擢用。始欲悉力而舉職。莫知長慮以佐時。自取悔尤至。煩揮黜責其妄作。便可屏之遠方。憫其知非。猶當投於散地。敢圖生歿而肉骨尚容宣化。以承流况臣粵自去冬。嘗陳愚懇願歸使。

節求縮郡章雖此左遷正符宿願恩旣深而逾望感亦極而難言此蓋伏遇皇帝陛下大德海涵至仁天覆謂災眚之可赦以過失爲當憐寬其未棄之誅開以自新之路辨之不早嗟已迫於桑榆來者可追幸未填於溝壑誓捐軀幹上報恩私

代程給事乞祝聖表

本州管內舊有應天寺者造於宋元徽中其地據寶林山巔南直秦望北負臥龍叢山挾其左鑑水趨其前園視井邑如閱圖畫越之形勝十得六七比於熙

寧十年八月遇火金石土木之觀一夕殆盡樓觀宮室化爲丘墟父老過之徜徉悼歎若失所依憑者因相率詣州自陳願以私錢修復故寺本州尋具其事上聞仍乞易爲十方蒙朝廷報可賜號寶林禪院於是郡之衣冠縑素無不悅豫鼓舞以謀報上因大出力財爭先請奮浮圖棟宇次第告成曾未踰年已復舊觀蓋所據之地勝故興也易所遭之時盛故成也速不然何以至是哉謹按寶林禪院其地本名龜山前世文士見於篇章上有鰲井歲旱禱雨輒應臣等

竊以為龜神物也有先事之智而壽踰千歲鰻龍類
也有施澤之仁而功被萬物位正南方與時相見勢
出入境足以有臨稽之於名効之於物參之於方位
考之於形勢而酌之於民情理從事順實宜永為頌
祝陛下聖壽之地臣等自今後每遇同天節只於本
院啓建道場及禱祠雨澤吉祥齋供其餘官中道場
並不令於本院啓建天下達士民之願上報君父之
恩臣子之職也臣等荷國厚恩無以答生成之萬一
庶幾因緣塔廟少伸犬馬之誠仰瞻闕庭不勝大願

伏望聖慈特賜俞允

坤成節功德文疏

寶曆開祥爰屬補天之運金行御氣適當夢帝之期
躬詣精廬妙修勝會致上方香積之飯闕西土貝多
之文庶憑調御之緣少効華封之祝太皇太后伏願
睿圖鞏固宸筭增隆日月無私永照臨於下土風雲
不間長感會於中天
代答范相公啓
堯夫
器兼文武道備天人始列周行綽有棟梁之器及參



大政鬱爲社稷之臣果振家聲遂當國相昔韋平嗣
興於西漢袁楊繼起於東京張公錫延賞之名陸氏
取象先之意雖云華族未必熙朝然猶前史以爲美
談當世謂之榮事固未有百年遇太平之運四世膺
爰立之求以今言之一何盛也某夙登門仍嘗頌威
容念班謁以無由第承風而竊抃

賀孫中丞啓

光奉明恩進陞中憲伏惟慶慰恭惟中丞侍郎受大
閭氣爲世真儒力足以扶顛持危器足以致遠任重

巍然如衣服之有冠冕卓爾若鳥魚之有鳳鯢三朝
充諫諍之官奮身不顧七郡任蕃宣之寄爲民所思
動靜不失其時遜逆必求諸道比支物望簡在上心
粵自貳卿遂登執法嚴霜被野旣知松柏之後凋猛
戰居山將見黎藿之不采某叨持符節久遠門闢

賀吏部傳侍郎啓

光膺帝命進貳天官

云云

某官道術淵微器識宏博

更險夷而不測其操踐中外而不易其心漢節初歸
常折董宏之妄楚郊臥治尤推汲黯之忠方傳報政

之成已聽除書之下。亟辭右輔復踐中臺。邦人遮轍以願留。朝士舉酒而相賀。吏曹三綜既知。冰鑑之無私主。體一謀當見鈞衡之益重。某屬驅輶傳阻造門闌。

代何提舉賀范樞密啓

光膺睿命。進貳中樞。碩輔登崇。溥天均慶。竊以天運無積。益由八柱之仰。成歲功不虧。亦自四時而分。治矧媯皇補天之際。當商老和羹之初。儻非心德之素同。難冀事功之必立。伏惟某官器兼文武。學備天人。雖小善而必爲。臨大節而不奪。入參臺省。佇聞折檻之風。外摠戎機。寢罷爭桑之釁。負謗傷而精神益勵。處閑散而聞望愈隆。逮神聖之纂臨。屬風雲之感會。念昔仁祖虛懷於慶曆之間。惟時先公奏對於天章之下。謂道可行於反掌。而世亦至於容刀。盛世難逢。事空傳於故老。嗣賢復出。六實慰於斯民。旣被召以旋歸。遂干霄而直上千尋。廣廈欣然慰多士之心。萬里長城足以制四夷之命。某夙登門。仍久曠書。騰方從沙汰之餘。未卜棲翔之所。側聞進拜。倍切驩愉。巖

石雖瞻尚鬱指紳之論衮衣遂有方疇區夏之情

賀門下呂僕射啓

徵仲

伏審光奉明恩進陞左輔伏惟慶慰恭以某官當世
大儒斯民先覺毀譽莫爲之損益窮通靡得而變渝
北平如高山深林人何可測巨源若渾金璞玉器孰
能名卓乎在搢紳之中屹然有公輔之望果踐西臺
之峻遂躋端揆之崇邸音喧騰士類交慶納忠有素
詎湏德裕之六箴應變無方不止姚崇之十事

謝潁州呂吏部啓

叨奉宸恩謬當藩郡境預四鄰之末潤霑九里之餘
憑几占書未進河南之牘朶雲號體俄蒙郇國之函
仰荷謙沖退增悚愧恭以某官器周事變學造淵微
出四世五公之門遇千載一時之運文辭則操觚立
就政事則投刃皆虛荀氏八龍盡繼高陽之美河東
三鳳尤推鷺鷥之奇會公旦之相周俾伯禽而侯魯
布宣詔令已成師帥之功近省君親行陟股肱之任
某承風茲久覲德未遑企頌之懷敷宣罔旣

答丁彥良書

淮海集卷五
某啓辱書及詩備悉雅旨且承邇來爲况甚休以感以慰竊味詩之大意率多辛酸耿愴之旨君生長素富貴而喜作寒士語何耶因知詩非能窮人詩窮然後工得非政欲以此合古人語乎兼審薄挂吏議小累不足以玷遠猷毋甚怏怏也知罷官里閭慕我嗜學是所以增其志尚爾白玉微瑕千丈松礫河不害他日爲大器跡弛之士自有御之者幸順時自愛區區不宣某再拜

與許州范相公

某再拜安撫相公閣下某淮海一介之士行能無取比因緣科第獲列仕版又屬朝廷復置賢科而一二適臣猥以充賦名實乖戾果致多言相公當國憐其孤單不卽聞罷使得自便引疾而歸僥倖深矣比遇相公均逸藩輔而某承乏之地實在節制之下疵賤無介紹不敢以書自通眷眷私懷何以云喻豈圖相公過有採聽首賜論薦使備著述之科檄書初至發函伏讀且喜且懼蓋相公昔既有保全之賜今又有論薦之恩顧惟狂愚何以辱此屬拘官守不獲

進謝門闌又不敢具啓事以叙悃悞區區俗禮非國士所以報知已者也惟相公裁察

祭監稅主簿文

維年月日具銜姓名謹以清酌庶羞之奠致祭于歿故監稅主簿之靈嗚呼賢才懿德宜顯周行以君德厚宜享壽康仕既未達人其云亾顧天理之莫究茲僚友之永傷嗚呼西風蕭颯長夜淒涼靈車戒道丹旄飛揚有殺在俎有酒盈觴臨岐伸奠歸安故鄉尚

饗

卷五終

淮海後集卷六

雜文

清和先生傳

志巧謹其堪解願滑稽之雄者

清和先生姓甘名液字子美其先本出於后稷氏有粒食之功其後播棄或居於野遂爲田氏田爲大族布於天下至夏末世衰有神農之後利其資率其徒往俘於田而歸其倔彊不降者與彊而不釋甲者皆爲城旦春賴公孫杵臼審其輕重不盡碎其族徙之陳倉與麥氏谷氏鄰居其輕者猶爲白粲與鬼薪件

已而逃乎河內。又移于曲沃。曲沃之民悉化焉。曲沃之地近於甘。古甘公之邑也。故先生之生以甘爲氏。始居於曹。受封於鄭。及長。器度汪汪。澄之不清。撓之不濁。有醞藉涵泳經籍。百家諸子之言。無不濫觴。孟子稱伯夷清。下惠和。先生自謂不夷不惠。居二者之間。而兼有其德。因自號曰清和先生。云士大夫喜與之游。詩歌曲引。徃徃稱道之。至於牛童馬卒。閭巷倡優之口。莫不羨之。以是名漸徹於天子。一召見與語。竟日。上熟味其旨。愛其淳正。可以鎮澆薄之徒。不覺膝之前席。自是屢見於上。雖郊廟祠祀之禮。先生無不預其選。素與金城賈氏及玉卮子善。上皆禮之。每召見。先生有司不請。而以二子俱見。上不以爲疑。或爲之作樂盛饌以待之。歡甚。至於頭沒杯案。先生旣見。寵遇子孫。支庶出爲郡國二千石。徃徃皆是。至於十室之邑。百人之聚。先生之族無不在焉。昔最著聞者。中山宜城湓浦。皆良子弟也。然皆好賓客。所居冠蓋駢集。賓客號呶。出入無節。交易之所在。委積。由是上疑其濁。小人或乘間以賄入。欲以逢上意而取寵。

一、日、上、問、先、生、曰、君、門、如、市、何、也、先、生、曰、臣、門、如、市、
臣、心、如、水、上、曰、清、和、先、生、今、乃、信、其、清、和、矣、益、厚、遇、
之、由、是、士、大、夫、愈、從、先、生、游、鄉、黨、賓、友、之、會、咸、曰、無、
甘、公、而、不、樂、既、至、則、一、座、盡、傾、莫、不、注、揖、然、先、生、遇、
事、多、不、自、持、以、待、人、斟、酌、而、後、行、嘗、自、稱、沽、之、哉、沽、
之、哉、我、待、價、者、也、人、或、召、之、不、問、貴、賤、至、於、斗、筲、之、
量、絜、瓶、之、智、或、虛、已、來、者、從、之、如、流、布、衣、寒、士、一、與、
之、遇、如、挾、纊、惟、不、喜、釋、氏、而、僧、之、徒、好、先、生、者、亦、竊、
與、先、生、遊、焉、至、於、學、道、隱、居、之、士、多、喜、見、先、生、以、自、
晦、然、先、生、愛、移、人、性、情、激、發、其、膽、氣、解、釋、其、憂、憤、可、
謂、能、令、公、喜、能、令、公、怒、者、邪、王、公、卿、士、如、灌、夫、季、布、
李、景、儉、桓、彬、之、徒、坐、與、先、生、爲、黨、而、被、罪、者、不、可、勝、
數、其、相、歡、而、奉、先、生、者、或、至、於、破、家、敗、產、而、不、悔、以、
是、禮、法、之、士、疾、之、如、讐、如、丞、相、朱、子、元、執、金、吾、劉、文、
叔、郭、解、長、孫、登、皆、不、悅、未、嘗、與、先、生、語、時、又、以、其、士、
行、或、久、多、中、道、而、變、不、承、於、初、咸、毀、之、曰、甘、氏、孽、子、
始、以、詐、得、終、當、以、詐、敗、矣、久、之、或、有、言、先、生、性、不、自、
持、無、大、臣、輔、政、之、體、置、之、左、右、未、嘗、有、沃、心、之、益、或、

虞以虛閑廢事上由此亦漸疎之會徐邈稱先生為
 聖人上惡其朋比大怒遂命有司以光祿大夫秩就
 封宗廟祭祀未嘗見逐終於鄭仕於郡國者皆不奪
 其官初先生既失寵其交游往往謝絕甚者至於毀
 棄素行以賣直自售惟吏部尚書畢卓北海相孔融
 彭城劉伯倫篤好如舊融嘗上書辨先生之無罪上
 益怒融由此亦得罪而倫又為之頌與當世為有故
 不著今掇其行事大要者著于篇漢書
 太史公曰先生之名見於詩書者多矣而未有至公

之論也譽之者美逾其實毀之者惡溢其真若先生
 激發壯氣解釋憂憤使布衣寒士樂而忘其窮不亦
 薰然慈仁君子之政歟至久而多變此亦中賢之疵
 也孔子稱有始有卒者其惟聖人乎先生何誅焉下
 嘗過中山慨然想先生之風聲恨不及見也乃為之
 傳以記而於
 法雲寺長老然香會疏文無
 竊以香者妙通法性冥動聞機大則香積如來令天
 人而入戒律次則香嚴童子得羅漢而證圓通覺至



惟之清嚴破塵寰之濁穢肆求善友同結勝緣漸沉
水之密圓斥棗膏之昏鈍規模既遠誓愿尤長若秣
若圓得無礙法非烟非火轉不退輪偶就印以成文
常于空而作蓋無前後去來之際有解脫知見之因
曄乎若光明之雲佳哉如鬱葱之氣反聞聞性八百
之功德以成自覺覺他億萬之河沙斯遍

越州請立程給事祠堂狀

浙水之東七州獨越爲都會凡七州之軍事督焉其
地西帶江北被海多雄山傑澤有棗麻魚稻藤苐竹
箭之饒土沃而流水清而不迫非舟車足力所會故
其民喜耕耨勤織紵尊本而薄末狡獪詆欺之弊視
他州爲少然以險阻之故豪強惡少跌宕不逞之民
一失其業則徃徃什聚伍行剽攘攻劫於江海之上
不時去之則蔓延而成大盜矣爲太守者審知風俗
之厚刑政竝修則一方可以指麾而治不然雖憊力
勞心猶無益也熙寧十年詔以給事中集賢殿修撰
廣平程公知軍州事公素以治行稱天下越人無不
踴躍竦企願見公之所爲及至政尚簡肅不爲苟且

苛細之。事事至而後必行。亦無所假借。發隱摘伏。敏捷如神。每得所謂豪強惡少。跌宕不逞之民。草斬而獸逐之。至斷絕乃已。於是距吳際。閩楚千里。肅然盜賊不敢發。川行途止。如卽其家。獄訟衰息。風雨時至。仍歲大穰。乃禮賢俊。仁老孤。簡練士卒。繕修宮寺。至於郵亭刻漏。爲之一新。頽廢偃僵。斬然俱起。然後知公之才所遇。縱橫無窮。其所厭伏。東西逆銷。變故於未形者多矣。非特越人受其賜也。使行且大用於朝。推其道於天下。則其所就者。又可量耶。先是太子少保南陽趙公有惠政於越。旣去而公承其後。故議者謂近世越州之政。未有如二公者。南陽公嘗命畫史圖太子少師天水趙公并公與已游從之像。號三老圖。而越之好事者。遂作三老堂。以寘之。元豐二年。公還朝。郡之衣冠緇黃耆艾之士。若干人。乞留於部。使者三爲之上。不報。因相與泣曰。公去矣。其像雖存於三老堂。然吾人之心未厭也。聞公嘗帥洪福廣三郡。三郡皆有生祠。豈越獨無有。今寶林院者。公之所興建也。若卽其地爲堂。立公之像。如三郡故事。以慰吾

人之思不亦可乎衆曰然故是又以狀白使者請立公之祠堂焉是時某適自淮南來省親將還越人謂某曰吾州更飢歎札癘之後程公實撫養而教誨之去年冬福州太守司諫孫公嘗道于此具見其事今祠堂成有日矣謀爲記宜莫如孫公者聞子與孫公鄉里且門人也盍撫厥實以爲我請乎某旣歎程公之政有以媚于民又嘉越人能大其施而推報之也乃爲論次其事并州之風俗具而載之以備孫公之采擇焉

精騎集序

予少時讀書一見輒能誦暗疏之亦不甚失然負此自放喜從滑稽飲酒者游旬朔之間把卷無幾日故雖有彊記之力而常廢於不勤比數年來頗發憤自懲艾悔前所爲而聰明衰耗殆不如曩時十一二每閱一事必尋繹數終掩卷茫然輒復不省故雖然有勤苦之勞而常廢於善忘嗟夫敗吾業者常此二物也比讀齊史見孫奉答邢詞云我精騎三千足敵君羸卒數萬心善其說因取經傳子史事之可爲文用

者得若干條勒爲若干卷題曰精騎集云噫少而不勤無如之何矣長而善忘庶幾以此補之

故龍圖閣直學士中大夫知成都軍府事管內勸農使克成都府利州路兵馬鈴轄上護軍隴西郡開國侯食邑一千一百戶食實封三百戶賜紫金魚袋李公行狀 曾祖諱宗誼故不仕祖諱知至故不仕 父諱東故任江寧府溧水縣尉累贈特進

南康軍建昌縣李常字公擇年六十四李氏宗出唐宗室郇公諱遠祖濤五代時號稱名臣仕皇朝爲兵部尚書封莒國公莒公少時仕於湖南氏有一子留江南公其裔孫也故今爲南康建昌人公少警悟好學彊記爲文章捷敏初若不經意而比成粲然屬寓深遠皇祐中登進士甲科授防禦推官權江州軍事判官丁昌源郡太夫人憂解官又丁光祿公憂服闋權宣州觀察推官監漣水軍轉般倉故大理寺丞知洪州奉新縣未行用韓公獻肅薦爲三司檢法官神宗卽位詔大臣舉館職曾宣公以公應詔召試學士

院除秘閣校理編校史館書籍兼太常博士兼史館
檢討置三司條例司檢詳官看詳中書條例權判尚
書考功改右正言同管勾國子監公事是時王荆公
輔政始作新法諫官御史論不合者輒斥去公上疏
力詆其非以爲始建三司條例司雖致天下之議而
善士猶或與之至於均輸之論與青苗之法立公然
取息傳會經旨以爲無嫌則天下固已大駭而善士
亦不復與矣時荆公之子雱與溫陵呂惠卿皆與聞
國論凡朝廷之事三人者參然後得行公言陛下與
大臣議某事安石不可則移而不行安石造膝議某
事安石承詔頒焉呂惠卿獻疑則反之詔用某人安
石惠卿之所可雱不說則又罷之孔子曰祿去公室
政在大夫陪臣執國命今皆不似之耶而其論青苗
尤爲激切至十餘上不已於是落職通判滑州歲餘
復職知鄂州徙知湖州遷尚書祠部員外郎賜五品
服徙知齊州齊故多盜公至痛懲艾之論報無虛日
盜猶不止他日得黠盜察其可用刺爲兵使直事鈴
下間問以盜發輒得而不衰止之故曰此繇富家爲

之囊使盜自相推爲甲乙官吏巡捕及門擒一人以首則免矣公曰吾得之矣乃令得藏盜之家皆發屋破柱盜賊遂清始公在武昌吳興政尚寬簡日與賓客縱酒笑詠吏民安樂之郡以大治於是世知公之才所值無不可也屬决河灌山東諸郡公捍禦有術部使者以聞降詔書獎諭從淮南西路提點刑獄遷尚書度支員外郎坐厚善直史館蘓公軾得其詩文不以告罰金寄祿格行換朝散郎遷朝請郎試太常少卿公去國十五年至是還朝士大夫喜見於色以謂正人復用也以職事對稱肯面賜三品服未幾試禮部侍郎文昌府成車駕臨幸恩遷朝奉大幸恩遷朝散大夫上卽位覃恩遷朝請大夫試吏部侍郎遷朝議大夫俄試戶部尚書詔百官轉對公以七事應詔一曰崇廉耻二曰存貢舉三曰別守宰四曰去賊貪五曰慎疑獄六曰擇師儒七曰修役法皆當時急務而其言役法尤合公論又取差免二法折衷爲書上之以爲法無新陳便民者良法也論無彼已可久者確論也又曰貧富俱出貲則貧者之所難堪使富

者出貲貧者出力庶乎其可也大略如此遷中大夫
除御史中丞兼侍讀加龍圖閣直學士初元豐河決
小吳神宗以河勢方趨西北難以力回詔勿復塞湏
其自定增立隄防而或者以謂非悠遠之策請開澶
淵游河分殺水勢又欲自蘓村口截爲隄導還故處
詔遣公視之還奏非便又遣吏部侍郎范公百祿給
事中趙公君錫覆視奏與公合而或者猶執前議銳
於興役朝廷疑之至是公申論其弊章六七上而其
役竟罷公又請分詩賦經義兩科以盡取士之法別
自致因人爲兩塗以究省官之術其忠言讜論蓋不
可以一二舉至於因時乘間導迎和氣者多密以啓
聞故莫得而知也俄守兵部尚書固辭不受懇求外
補章屢上遂出知鄧州數月徙成都府行及陝府閱
鄉縣暴卒於傳舍實元祐五年二月二日也累勲至
上護軍隴西郡侯公風度凝遠與人有意而遇事
彊毅不爲苟合初善王荆公荆公當國冀其爲助而
詆之乃力於他人荆公嘗遣雋喻意曰所爭者國事
少存朋友之義公曰太義滅親况朋友乎自存益確

士論以此歸之少時讀書於廬山五老峯下白石菴之僧舍後身雖出仕宦而書藏於山中如故每得異書輒益之至九千餘卷山中之人號李氏山房仲兄布蚤卒事其嫂張敬甚撫其子秉彝如已子自奉清約所俸入多少以啣親族捐館之日無贏貲朝廷聞之常賻外特賜五十萬有文集若干卷藏于家初娶狄氏襄陽遵度主簿之女早卒贈某縣封遵度亦俊傑士寶元慶曆間以文章顯名再娶魏氏光祿卿琰之女亦早卒贈遂寧縣君又娶遂寧之弟封安康郡君子男四人長曰攄揚州江都縣尉早卒次曰遼承奉郎次曰遠承務郎次曰迢承務郎女三人長適郢州長壽縣主簿孫端次適郊祀齋郎丘楫次適進士黃叔敖諸孤自閩鄉扶柩南歸而公之伯兄時爲江南西路轉運使遂以其年十月丙午葬公于南康軍建昌縣千秋之原前期諸孤請狀公之行治而公之美實多難以具著著其出處始終之大者以告諸史氏謹狀

雜說

唐杜淦江夏人也自罷漢陰令居泗水上烈日笠首親督耕夫一年而食足二年而衣食兩餘三年而屋室完新六畜肥繁器用皆備自墾荒起家十五年為富家翁不假一人之力一毫之助彼嘗謂人曰夫忍耻入仕不困妻子衣食者幾希彼忍耻我勞力皆衣食耳顧我何如由功名之士觀之則誠為拘繫跼促人也若夫恬於進取安分潔已者蓋有取焉爾

通事說

文以說理為上序事為次古人皆備而有之後世知

說理者或失於略事而善序事者或失於悖理皆過也蓋能說理者始可以通經善序事者始可以修史

蠶書

予閑居婦善蠶從婦論蠶作蠶書

符類禹貢

考之禹貢揚梁幽雍不貢繭物交筐織文徐筐玄織續青筐底纁域緝豫筐織續青筐縠絲皆繭物也而棄土既蠶獨言於交然則九州蠶事交為最乎予游濟河之間見蠶者豫事時作一婦不蠶比屋詈之故知交人可為蠶師今予所書有與吳中蠶家不同者

皆得交人也

種變

臘之日聚蠶種沃以牛溲浴于川毋傷其藉廼縣之始審卧之五日期青六日白七日蠶已蠶尚卧而不傷

時食

蠶生明日來或柘葉風戾以食之寸二十分晝夜五食九日不食一日一夜謂之初眠又七日再眠如初既食葉寸十分晝夜六食又七日三眠如再又七日若五日不食二日謂之大眠食半葉晝夜八食又三日健食乃食全葉晝夜十食不三日遂繭凡眠已初食布葉勿擲擲則蠶驚毋食二葉

制居

種變方尺及乎將繭乃方四丈織萑葦範以蒼莨竹長七尺廣五尺以爲筐建四木宮梁之以爲槌縣筐中間九寸凡槌十縣以居食蠶時分其居糞其葉餘以時去之萑葉爲籬勿密屈藁之長二尺者自後茨之爲簇以居繭蠶凡繭七日而採之居蠶欲溫居繭

欲涼故以萑鋪繭寒之以風以緩蛾變

化治

常令煮繭之鼎湯如蟹眼必以筯其緒附于先引謂之餵頭毋過三系則系麤不及則脆其審舉之凡系自鼎道錢眼升於鑲星星應車動以過添梯乃至於車

錢眼

為版長過鼎面廣三寸厚九黍中其厚插大錢一出其端橫之鼎耳後鎮以石緒總錢眼而上之謂之錢

眼

鑲星

為三蘆管管長四寸樞以圓木建兩竹夾鼎耳縛樞於竹中管之轉以車下直錢眼謂之鑲星

添梯

車之左端置環繩其前尺有五寸當車牀左足之上建柄長寸有半匠柄為鼓鼓生其寅以受環繩繩應車運如環無端鼓因以旋鼓上為魚魚半出鼓其出之中建柄半寸上承添梯添梯者二尺五寸片竹也

其上揉竹爲鈞。以防系竅。左端以應柄。對鼓爲耳。方其穿以閑添梯。故車運以牽環繩。繩簇鼓。鼓以舞魚。魚振添梯。故系不過偏。

車。制車如轆轤。必活其兩幅。以利脫系。

禱神。神以車不。臥種之日。升香以禱天。駟先蠶也。割雞設醴。以禱婦人。寓氏公主。蓋蠶神也。毋治堰。毋誅草。毋沃灰。毋室入外。人。四者神實惡之。

戎治。唐史載于闐初無桑。丐鄰國不肯出。其王卽求置婚。許之。將迎。乃告曰。國無帛。可持蠶自爲衣。女聞。置蠶帽絮中。闐守不敢驗。自是始有蠶。女刻石約。無殺蠶。蛾飛盡。蠶蛾乃得治繭。言蠶爲衣。則治繭可爲絲矣。世傳繭之未蛾而竅者。不可爲絲。頃見鄰家誤以竅繭。雜全繭治之。皆成系焉。疑蛾蛻之繭也。欲以爲絲。而其中空。不復可治。嗚呼。世有知于闐治絲法者。肯以教人。則貸蠶之死。可勝計哉。予作蠶書。哀蠶有功。

而不免故錄唐史所載以俟博物者
書丁彥良明堂議後
祀國事之大者歷世洪儒碩生議論考訂往往自相
違矣丁俠以世家子早假蔭以官少年彊學援質有
根抵訶詆前載惜乎未能以此獻諸朝得付有司禮
官博士相與校正以備一代缺文君不能姑愛惜遵
養以待云
錄龍井辯才事
熙寧九年秀州嘉興縣令陶彖有子得疾甚異形色

語笑非復平人令患之乃大出錢財聘謁巫祝厭勝
百方終莫能治是歲辯才法師元淨適以事至秀法
師高僧也隱於錢唐之天竺山傳天台教學者數百
人又特善咒水疾病者飲其所咒水輒愈吳人尊事
之令素聞其名卽馳詣師具狀告曰兒始得疾時見
一女子自外來相調笑久之俱去稍行至水濱遺詩
曰生爲木卯人死作幽獨鬼泉門長夜開衾幃待君
至自是屢來且有言曰仲冬之月二七之間月盈之
夕車馬來迎今去妖期逼矣未知所處願賜哀憐師

乃許諾因杖策從至其家除地爲壇設觀音像於中
央取楊枝霑水灑而咒之三遶壇而去是夜兒寢安
然不復如他時矣明日復來結跏趺座引兒問曰汝
居何地而來至此答曰會稽之東卞山之陽是吾之
宅古木蒼蒼師又問汝姓誰氏答曰吳王山上無人
處幾度臨風學舞腰師曰汝柳姓乎乃驟然而笑師
良久呵曰汝無始已來迷已逐物爲物所轉溺於淫
邪流浪千劫不自解脫入魔趣中橫生災害延及無
辜汝今當知魔卽非魔魔卽法界我今爲汝宣說首

楞嚴祕密神咒汝當諦聽痛自悔恨訟旣往過愆返
本來清淨覺性於是號泣不復有云是夜謂兒曰辯
才之功汝父之虔無以加焉吾將去矣後二日復來
曰久與子遊情不能遽捨願一舉觴爲別因相對引
滿旣罷作詩一章曰仲冬二七是良時江下無緣與
子期今日臨岐一杯酒共君子里遠相離遂去不復
見聞其事久矣元豐二年見辯才於龍井山問之

代
書王氏齋壁

淮海集卷六
皇祐元年余先大父赴官南康道出九江余實生焉
滿歲受代猶寓止僧舍未幾代者卒叔瞻之先君來
領其職事通家相好也至和元年叔瞻始生於南康
後予迎老母來爲汝南學官也而叔瞻亦奉太夫人
間居於郡之西郭時余之先大父母先人皆捐館而
叔瞻之先君亦沒於瀘州皇祐逮今四十一年中間
豐瘁得喪死生休戚不可悉記獨兩家之孤各奉其
母相遭于此甚可悲也

題彭景山傳神

內殿崇班致仕彭崇仁字景山胸中有韜略吏事精
密所至士大夫翕然稱之年四十不幸喪明家居無
餘而目不可治如老驥伏櫪志未嘗不在千里聞北
風則耳聳然自道觀之物無幸不幸以得喪觀之豈
異世有所負耶然人之有德慧智術者常存乎疾疾
惟深也能披剝萬象而見已安知景山不得之沉冥
中耶

淮海閒居集序

元豐七年冬余將西赴京師索文藁於囊中得數百

篇辭鄙而悖於理者輒刪去之其可存者古律體詩
百十有二雜文四十有九從遊之詩附見者五十有
六合二百一十七篇次十卷號淮海閒居集云

淮海後集卷六終

淮海後集卷上

長短句

望海潮四首

廣陵懷古

星分牛斗疆連淮海揚州萬井提封花發路香鶯啼
人起朱簾十里春風豪俊氣如虹曳照春金紫飛蓋
相從巷入垂楊畫橋南北翠烟中 追思故國繁雄
有迷樓挂斗月觀橫空紋錦製帆明珠濺雨寧論雀
馬魚龍往事逐孤鴻但亂雲流水縈帶離宮最好揮
毫萬字一飲拚千鍾

文 越州懷古

秦峯蒼翠耶溪瀟洒千巖萬壑爭流鴛瓦雉城譙門
畫戟蓬萊燕閣三休天際識歸舟泛五湖烟月西子
同遊茂草荒臺苧羅村冷起閑愁 何人覽古疑眸
悵朱顏易失翠被難留梅市舊書蘭亭古墨依稀風
韻生秋。狂客鑑湖頭。有百年臺沼終日夷猶最好金
龜換酒相與醉滄州。

又 洛陽懷古

梅英踈淡冰漸溶洩東風暗換年華金谷俊游銅駝
巷陌新晴細履平沙長記誤隨車正絮翻蝶舞芳思
交加柳下桃蹊亂分春色到人家 西園夜飲鳴笳
有華燈礙月飛蓋妨花。蘭苑未空。行人漸老重來是
事堪嗟。煙暝酒旗斜。但倚樓極目時見棲鴉無奈歸
心暗隨流水到天涯。

又 別意

奴如飛絮郎如流水相沾便肯相隨。微月戶庭殘燈
簾幙忽忽共惜佳期纔話暫分携早抱人嬌咽雙淚
紅垂盡舸難停翠幃輕別兩依依 別來怎表相思

可人風味在
此語意殊絕

尋常淺語自
是生情

有分香帕子。合數松兒。紅粉脆痕。青牋嫩約。丁寧莫
遣人知。成病也因誰。更自言秋杪。親去無疑。但恐生
時。注著。合有分于飛。

沁園春

春思

宿靄迷空。膩雲籠日。晝景漸長。正蘭皋泥潤。誰家燕
喜。蜜脾香少。觸處蜂忙。盡日無人。簾幙挂更風。遞遊
絲。時過牆微。雨後有桃愁杏怨。紅淚淋漓。風流寸
心。易感。但依依。佇立回。盡柔腸。念小奩瑤鑑。重勻絳
蠟。玉籠金斗。時熨沉香。柳下相將。遊冶處。便回首。青
樓成異鄉。相憶事。縱蠻牋。萬疊難寫。微茫。

水龍吟

贈妓婁東玉

小樓連苑橫空。下窺繡轂。雕鞍驟。疎簾半捲。單衣初
試。清明時候。破暖輕風。弄晴微雨。欲無還。有賣花聲
過。盡斜陽院落。紅成陣。飛鴛甃。玉珮丁東。別後悵
佳期。參差難。又名韁利鎖。天還知道。和天也。瘦花下
重門。柳邊深巷。不堪回首。念多情。但有當時皓月。向
人依舊。

八六子

佳梅集卷二

淮海後集卷上
倚危亭恨如芳草萋萋。剗盡還生。念柳外青驄別後，
水邊紅袂分時。愴然暗驚。無端天與娉婷。夜月一
簾幽夢。春風十里柔情。怎奈向歡娛漸隨流水。素絃
聲斷。翠綃香減。那堪片片飛花弄晚。濛濛殘雨籠晴。
正銷凝。黃鸝又啼數聲。

風流子

東風吹碧草。年華換。行客老。滄洲見梅吐舊英。柳搖
新綠。惱人春色。還上枝頭。寸心亂比隨雲黯黯東逐。
水悠悠。斜日半山。暝烟兩岸。數聲橫笛。一葉扁舟。
青門同攜手。前歡記。渾似夢裏揚州。誰念斷腸南陌。
回首西樓。笑天長地久。有時有盡。奈何綿綿此恨難
休。擬待倩人說與。生怕人愁。

夢揚州

晚雲收。正柳塘煙雨初休。燕未歸。惻惻輕寒如秋。
小欄外。東風軟透。繡幃花密。香稠。江南遠。人何處。鷓
鴒啼破春愁。長記會陪燕遊。酬妙舞清歌。麗錦纏
頭。殢酒困花。十載因誰淹留。醉鞭拂面。歸來晚望翠
樓。捲金鉤。佳會阻。離情正亂。頻夢揚州。

雨中花

指點虛無征路醉乘斑蚪遠訪西極見天風吹落滿
空寒皇女明星迎笑何苦自淹塵域正火輪飛上霧
捲煙開洞觀金碧重重觀閣橫枕鼇峯水面倒銜
蒼石隨處有奇香幽火杳然難測好是蟠桃熟後阿
環偷報消息在天碧海一枝難遇占取春色

一叢花

年時今夜見師師雙頰酒紅滋踈簾半捲微燈外露
華上煙裊涼颺簪髻亂拋偎人不起彈淚唱新詞
佳期誰料久參差愁緒暗縈絲相應妙舞清歌罷又
還對秋色嗟咨惟有畫樓當時明月兩處照相思

鼓笛慢

亂花叢裏曾携手窮艷景迷歡賞到如今誰把雕鞍
鎖定阻遊人來往好夢隨春遠從前事不堪思想念
香闌正杳佳歡未偶難留戀空惆悵永夜嬋娟未
滿嘆玉樓幾時重上那堪萬里却尋歸路指陽關孤
唱若恨東流水桃源路欲回雙槳仗何人細與叮嚀
問呵我如今怎向

促拍滿路花

露顆添花色。月彩投窓隙。春思如中酒，恨無力。洞房
咫尺，曾寄青鸞翼。雲散無蹤跡。羅帳薰殘，夢回無處
尋覓。輕紅膩白，步步薰蘭澤。約腕金環重，宜裝飾。
未知安否，一向無消息。不似尋常憶。憶後教人片時
存濟不得。

長相思

鐵甕城高，蒜山渡闊，千雲十二層樓。開樽待月，掩箔
披風，依然燈火揚州。綺陌南頭，記歌名宛轉，鄉號溫

玉調高爽不
尚纖麗詞家

正聲

柔。曲檻俯清流，想花陰誰繫蘭舟。念婁絕秦絃，感
深荆賦，相望幾許凝愁。勤勤裁尺素，奈雙魚難渡瓜
洲。曉鑑堪羞。潘鬢點吳霜，漸稠。幸于飛鴛鴦未老，不

滿庭芳三首

山抹微雲，天連衰草，畫角聲斷譙門。暫停征棹，聊共
飲離樽。多少蓬萊舊事，空回首，烟靄紛紛。斜陽外，寒
鴉數點，流水繞孤村。銷魂當此際，香囊暗解，羅帶
輕分。謾贏得青樓薄倖名存。此去何時見也，襟袖上
空惹啼痕。傷情處，高城望斷，燈火已黃昏。

是云斜陽
外三句雖

語雖蹈襲然
入詞猶是當
家

不識字人亦知
為天生好言語

又

紅蓼花繁黃蘆葉亂夜深玉露初零
霽天空闊雲淡楚江清獨棹孤篷
小艇悠悠過烟渚沙汀金鈎細絲
綸慢捲牽動一潭星時時橫短笛
清風皓月相與忘形任人笑生涯
泛梗飄萍飲罷不妨醉卧塵勞事
有耳誰聽江風靜日高未起枕上
酒微醒

又

碧水驚秋黃雲凝暮敗葉零亂空堦
洞房人靜斜月照徘徊又是重陽
近也幾處處砧杵聲催西窓下風
搖翠竹疑是故人來傷懷增悵望
新懽易失往事難猜問籬邊黃菊
知為誰開謾道愁須殢酒酒未醒
愁已先回憑闌久金波漸轉白露
點蒼苔

江城子三首

西城楊柳弄春柔動離憂淚難收
猶記多情曾為繫歸舟碧野朱橋
當日事人不見水空流韶華不為
少年留恨悠悠幾時休飛絮落花
時候一登樓便做春江都是淚流
不盡許多愁

詞人佳句多是翻案古
人語如淮海此詞便做



春江都是淚。流不盡許多愁。可謂警句。雖用李密數
隋檄語。亦自李後主問君。都有幾多愁。却似一汀春
水。向東流。變化名家如此。類者不可枚舉。亦一法也。

又

南來飛燕。北歸鴻。偶相逢。慘愁容。綠鬢朱顏。重見兩
衰翁。別後悠悠君莫問。無限事。不言中。小槽春酒
滴珠紅。莫忽忽。滿金鍾。飲散落花流水。各西東。後會
不知何處是。烟浪遠。暮雲重。

又

棗花金釧約柔荑。昔曾携。事難期。咫尺玉顏和淚鎖
金閨。恰似小園桃與李。雖同處。不同枝。玉笙初度
顫鸞篋。落花飛。爲誰吹。月冷風高。此恨只天知。任是
行人無定處。重相見。是何時。

滿園花

一向沉吟久。淚珠盈襟袖。我當初不合苦擱就。慣縱
得軟頑。見底心先有。行待痴心守。甚捻著脉子。倒把
人來僞憊。近日來非常羅皂醜。佛也須眉皺。怎掩
得衆人口。待收了字羅罷了。從來斗。從今後休道共
我夢見也不能得勾。

學似元人雜
劇口吻

迎春樂

菖蒲葉葉知多少。惟有箇蜂兒妙。雨晴紅粉齊開了。露一點嬌黃小。早是被曉風力暴。更春共斜陽俱老。怎得花香深處。作箇蜂兒抱。

花香原作香香恐是當時語

淮海後集卷中

長短句

鵲橋仙

織雲弄巧。飛星傳恨。銀漢迢迢暗度。金風玉露一相逢。便勝却人間無數。柔情似水。佳期如夢。忍顧鵲橋歸路。兩情若是久長時。又豈在朝朝暮暮。

菩薩蠻

蟲聲泣露驚秋枕。羅幃淚濕鴛鴦錦。獨卧玉肌涼。殘更與恨長。陰風翻翠幔。雨溼燈花暗。畢竟不成眠。

語少情多

鴉啼金井寒。

減字木蘭花

天涯舊恨獨自淒涼人不問欲見回腸斷盡金爐小
篆香 黛蛾長歛任是東風吹不轉困倚危樓過盡
飛鴻字字愁

木蘭花

秋容老盡芙蓉院。草上霜花勻似剪。西樓促坐酒盃
深。風壓繡簾香不捲。玉纖慵整銀箏鴈。紅袖時籠
金鴨煖。歲華一任委西風。獨有春紅留醉臉。

畫堂春

落紅鋪徑水平池。弄晴小雨霏霏。杏園憔悴杜鵑啼。
無奈春歸。柳外畫樓獨上。凭闌手撚花枝。放花無
語對斜暉。此恨誰知。

千秋歲

水邊沙外。城郭春寒退。花影亂。鶯聲碎。飄零疎酒盞。
離別寬衣帶。人不見。碧雲暮合空相對。憶昔西池
會。鷓鴣同飛蓋。携手處。今誰在。日邊清夢斷。鏡裏朱
顏改。春去也。飛紅萬點愁如海。

踏莎行

此淡語之有
情者也

霧失樓臺月迷津渡桃源望斷無尋處可堪孤館閉

春寒杜鵑聲裏斜陽暮驛寄梅花魚傳尺素砌成

此恨無重數柳江幸自遶柳山為誰流下瀟湘去

絕愛此詞尾兩句自書于扇云少游已矣雖萬人何
贖釋天隱註三體唐詩謂此二句實目沅湘日夜東
流去不為愁人住少時變化然邛之悲彼泉水亦流
於淇已有此意秦公益出諸此又王直方詩話載黃

山谷惜此詞斜陽暮意重欲易之未得其字今柳誌
遂作斜陽度愚謂此亦何害而病其重也李太白詩
睽彼落日暮即斜陽暮也劉禹錫烏衣巷口夕陽斜

杜工部山木蒼蒼落日曛皆此意別如韓文公紀夢
詩中有一人壯非少石鼓歌安置妥帖平不頗之類
尤多豈可亦謂之重耶山谷當無此言即誠出山谷

亦一時之言未
足為定論也

蝶戀花

曉日窺軒雙燕語似與佳人共惜春將暮屈指艷陽

都幾許可無時霎閑風雨流水落花無問處只有

飛雲冉冉來還去持酒勸雲雲且住憑君礙斷春歸

路

一落索

楊花終日空飛舞奈久長難駐海潮雖是暫時來却

有箇堪憑處紫府碧雲為路好相將歸去肯如薄

淮海後集

卷中

三

淮海後集 卷中
三
倖五更風不解與花爲主

醜奴兒

夜來酒醒清無夢愁倚闌干露滴輕寒雨打芙蓉淚
不乾。佳人別後音塵悄瘦盡難攔明月無端已過
紅樓十二間。

南鄉子

妙手寫徽真水剪雙眸點絳唇疑是昔年窺宋玉東
鄰只露牆頭一半身。往事已酸辛誰記當年翠黛
顰盡道有些堪恨處無情任是無情也動人。

醉桃源

卽阮郎歸

碧天如水月如眉城頭銀漏綠波風動畫船移嬌羞
初見時。銀燭暗翠簾垂芳心兩自知楚臺魂斷曉
雲飛幽歡難再期。

河傳二首

亂花飛絮又望空鬪合離人愁苦那更夜來一霎薄
情風雨暗掩將春色去。籬枯壁盡因誰做若說相
思佛也眉兒聚莫恠爲伊抵死縈腸惹肚爲沒教人
恨處。

又

恨眉醉眼甚輕輕。覷著神魂迷亂。常記那回小曲闌干。西畔鬢雲鬆。羅襪剗。丁香咲吐嬌無限。語軟聲低。道我何曾慣。雲雨未諧。早被東風吹散。悶損人天不管。

浣溪沙五首

漠漠輕寒上小樓。曉陰無賴似窮秋。澹烟流水畫屏幽。自在飛花輕似夢。無邊絲雨細如愁。寶簾閑掛小銀鈎。

又

香靨凝羞一笑開。柳腰如醉暖相挨。日長春困下樓臺。照水有情聊整鬢。倚闌無緒更兜鞋。眼邊牽恨懶歸來。

又

霜縞同心翠黛連。紅綃四角綴金錢。惱人香蕤是龍涎。枕上忽收疑是夢。燈前重看不成眠。又還一段惡因緣。

又

脚上鞋兒四寸羅。唇邊朱粉一櫻多。見人無語但回
波。料得有心憐宋玉。只應無奈楚襄何。今生有分
共伊麼。

又

錦帳重重卷暮霞。屏風曲曲闌紅牙。恨人何事苦離
家。枕上夢魂飛不去。覺來紅日又西斜。滿庭芳草
襯殘花。
前段用元微之天台詩意後段
婉約有味尾句尤含蓄深思

如夢令五首

門外鴉啼楊柳春。色着人如酒。睡起熨沉香玉腕不
勝金斗。消瘦消瘦。還是褪花時候。

又

遙夜沉沉如水。風緊驛亭深閉。夢破鼠窺燈。霜送曉
寒侵被。無寐無寐。門外馬嘶人起。

又

幽夢忽忽破後。妝粉亂痕。露袖遙想酒醒來。無奈玉
銷花瘦。回首回首。遠岸夕陽疎柳。

又

樓外殘陽紅滿。春入柳條將半。桃李不禁風。回首落

英無限腸斷腸斷人共楚天俱遠。

又

池上春歸何處滿。日落花飛絮。孤館悄無人。夢斷月
堤歸路無緒。無緒。簾外五更風雨。

阮郎歸四首

褪花新綠漸團枝。撲人風絮飛。秋千未拆水平堤。落
紅成地衣。遊蝶困乳鶯啼。怨春春怎知。日長早被
酒禁持。那堪更別離。

又

宮腰裊裊翠鬟鬆。夜堂深處逢。無端銀燭殞秋風。靈
犀得暗通。更有限恨無窮。星河沉曉空。隴頭流水
各西東。佳期如夢中。

又

瀟湘門外水平鋪。月寒征棹孤。紅妝飲罷少踟躕。有
人偷向隅。揮玉筯。酒真珠。梨花春雨餘。人人盡道
斷腸初。那堪腸也無。

又

湘天風雨破寒初。深沉庭院虛。麗譙吹罷小單于。迢

迢清夜徂。鄉夢斷旅魂孤。崢嶸歲又除。衡陽猶有
鴈傳書。柳陽和鴈無。

滿庭芳三首

咏茶

北苑研膏方玉圓。壁萬里名動京關。碎身粉骨功合
上凌煙。尊俎風流戰勝。降春睡。開拓愁邊。纖纖捧香
泉。濺乳金縷。鷓鴣斑。相如方病酒。一觴一詠。賓有
羣賢。半扶起燈前醉玉顏。山樓攬胸中萬卷。還傾動
三峽詞源。歸來晚。文君未寢。相對小妝殘。

又

曉色雲開春隨人意。驟雨方過。還晴高臺芳榭。飛燕
蹴紅英。舞困榆錢。自落秋千外。綠水橋平。東風裏。朱
門映柳。低按小秦箏。多情行樂處。珠鈿翠蓋。玉轡
紅纓。漸酒空金盞。花困蓬瀛。豆蔻梢頭。舊恨十年夢
屈指堪驚。凭闌久。踈烟淡日。寂寞下蕪城。

此詞正少
游所作人

傳王觀
撰非也

又

雅燕飛觴。清談揮麈。使君高會羣賢。密雲雙鳳。初破
縷金團。窓外爐煙似動。開尊試一品。奔泉輕淘起香

淮海後集卷中
生玉乳雪濺紫甌圓。嬌鬟宜美盼雙擎翠袖穩步
紅蓮坐中客翻愁酒醒歌闌點上紗籠畫燭花驄弄
月影當軒頻相顧餘歡未盡欲去且留連

· 桃源憶故人

玉樓深鎖薄情種。清夜悠悠誰共。羞見枕衾鴛鳳悶。
卽和衣擁。無端畫角嚴城動。驚破一番新夢。窗外
月華霜重。聽徹梅花弄。

淮海後集卷中終

淮海後集卷下

長短句

調笑令十首 并詩

王昭君

詩

漢宮選女適單于。明妃斂袂登氊車。玉容寂寞花無
主。顧影低回泣路隅。行行漸入陰山路。目送征鴻入
雲去。獨抱琵琶恨更深。漢宮不見空回顧。

詞

江漢集卷十
一
回顧漢宮路，捍撥檀槽。鸞對舞，玉容寂寞，花無主。顧影偷彈玉筯，未央宮殿，知何處。目送征鴻南去。

樂昌公主

詩

金陵往昔帝王州，樂昌主第最風流。一朝隋兵到江上，共抱恹恹去國愁。越公萬騎鳴笳鼓，劍擁玉人天上去。空攜破鏡望紅塵，千古江楓籠輦路。

詞

輦路江楓古樓上，吹簫人

日繁華何處，舊歡新愛，誰為主。啼咲兩難分付。

崔徽

詩

蒲中有女號崔徽，輕似南山翡翠兒。使君當日最寵愛，坐中對客常擁持。一見裴郎心似醉，夜解羅衣與門吏。西門寺裏樂未央，樂府至今歌翡翠。

詞

翡翠好看止，誰使庸奴輕點綴。裴郎一見，心如醉笑。裏偷傳深意，羅衣深夜與門吏。暗結城西幽會。

無雙

詩

尚書有女名無雙。蛾眉如畫學新妝。伊家仙客最明俊。舅母唯只呼王郎。尚書往日先曾許。數載睽違今復遇。聞說襄江二十年。當時未必輕相慕。

詞

相暮無雙女。當日尚書先。曾許王郎明俊。神仙侶。腸斷別離情苦。數年睽恨。今復遇。笑指襄江歸去。

灼灼

詩

錦城春暖花欲飛。灼灼當庭舞柘枝。相君上客河東秀。自言那得傍人知。妾願身為梁上燕。朝朝暮暮長相見。雲收月墮海沉沉。淚滿紅綃寄腸斷。

詞

腸斷繡簾捲。妾願身為梁上燕。朝朝暮暮長相見。莫遣恩遷情變。紅綃粉淚。知何限。萬古空傳遺怨。

眇眇

詩

百尺樓高燕子飛。樓上美人顰翠眉。將軍一去音容
遠。只有年年舊燕歸。春風昨夜來深院。春色依然人
不見。只餘明月照孤眠。回望舊恩空戀戀。

詞

戀戀樓中燕燕子。樓空春日晚。將軍一去音容遠。空
鎖樓中深怨。春風重到。人不見。十二闌干倚遍。

崔鶯鶯

詩

崔家有女名鶯

凡先有情。河橋兵亂。依蕭

寺紅愁綠。慘見張生張生。一見春情重。明月拂墻花。

影動夜半紅娘擁。抱來脉脉驚魂。若春夢與主人。

詞

春夢神仙洞。冉冉拂墻花。樹動西廂待月。知誰共更
覺。玉人情重。紅娘深夜行雲送。困鞦韆橫金鳳。

採蓮

詩

若耶溪邊天氣秋。採蓮女兒溪岸頭。笑隔荷花共人
語。煙波渺渺蕩輕舟。數聲水調紅嬌晚。掉轉舟回笑。

人遠腸斷誰家遊冶郎盡日踟躕臨柳岸

詞

柳岸水清淺笑折荷花呼女伴盈盈日照新妝面水調空傳幽怨扁舟日暮笑聲遠對此令人腸斷

煙中怨

詩

鑑湖樓閣與雲齊樓上女兒名阿溪十五能為綺麗句平生未解出幽閨謝郎巧思詩裁剪能使佳人動幽怨瓊枝壁月結芳期斗帳雙雙成眷戀

詞

眷戀西湖岸湖面樓臺侵雲漢阿溪本是飛瓊伴風月朱扉斜掩謝郎巧思詩裁剪能動芳懷幽怨

離魂記

詩

深閨女兒嬌復痴春愁春恨那復知舅兄唯有相拘意暗想花心臨別時離舟欲解春江暮冉冉香魂逐君去重來兩身復一身夢覺春風話心素

詞

心素與誰語始信別離情最苦蘭舟欲解春江暮
精爽隨君歸去異時攜手重來處夢覺春風庭戶

虞美人三首

高城望斷塵如霧不見聯驂處夕陽村外小彎頭只
有柳花無數送歸舟 瓊枝玉樹頻相見只恨離人
遠欲將幽恨寄青樓爭奈無情江水不西流

又

碧桃天上栽和露不是凡花數亂山深處水縈洄可
惜一枝如畫爲誰開 輕寒細雨情何限不道春難

管爲君沉醉又何妨祇怕酒醒時候斷人腸

又

行行信馬橫塘畔煙水秋平岸綠荷多少夕陽中知
爲阿誰凝恨背西風 紅妝艇子來何處蕩槳偷相
顧鴛鴦驚起不無愁柳外一雙飛去却回頭

點絳脣二首

桃源

醉漾輕舟信流引到花深處塵緣相誤無計花間住
煙水茫茫千里斜陽暮山無數亂紅如雨不記來
時路

又

月轉烏啼盡。堂官徵生離恨。美人愁悶。不管羅衣褪。
清淚班班揮斷柔腸寸。嗔人問。背燈偷搵拭。盡殘
妝粉。

品令三首

幸自得一分索強。教人難喫。好好地惡了。十來日恰
而今較些不。須管啜持教笑。又也何須。脫織衡倚。
賴臉兒得人惜。放軟頑道不得。

又

掉又臞天然。箇品格於中壓。一簾兒下時。把鞋兒踢。
語低低笑咭咭。每每秦樓相見。見了無限憐惜人。
前強不欲相沾識。把不定臉兒赤。

南歌子三首

玉漏迢迢盡。銀潢淡淡橫。夢回宿酒未全醒。已被鄰
鷄催起。怕天明。臂上收猶在。襟間淚尚盈。水邊燈
火漸人行。天外一鉤殘月帶三星。

又

愁髻香雲墜。嬌眸水玉裁。月幌風幌為誰開。天外不

淮海後集 卷下
七
知音耗百般倩玉露沾庭砌金風動瑄灰相看有
似夢初回只恐又拋人去幾時來

又

香墨彎彎畫燕脂淡淡勻揉藍衫子杏黃裙獨倚玉
闌無語點檀唇人去空流水花飛半掩門亂山何
處覓行雲又是一鉤新月照黃昏

臨江仙二首

千里瀟湘接藍浦蘭橈昔日曾經月高風定露華清
微波澄不動冷浸一天星獨倚危樓情悄悄遙聞

如瑟泠泠新聲含盡古今情曲終人不見江上數峯

青

又

髻子偎人嬌不整眼兒失睡微重尋思模樣早心忪
斷腸攜手何事太匆匆不忍殘紅猶在臂翻疑夢
裏相逢遙憐南埭上孤篷夕陽流水紅滿淚痕中

好事近

夢中作

春路雨添花花動一山春色行到小溪深處有黃鸝
千百飛雲當面化龍蛇天矯轉空碧醉卧古藤陰

下了不知南北

東坡跋云 供奉官莫君沔官湖南喜從遷客游尤為呂元鈞所稱又能

誦少游事甚詳為予誦此詞至流涕乃錄本使藏之

魯直跋云 少游醉卧古藤下誰與愁眉唱一杯

解作江南斷腸句

只今惟有賀方回

淮海後集卷下終

詩餘

見草堂集本集失載

明錢塘鄧章漢輯

搗練子

秋閨

耿耿淚雙雙。斜月斜風冷透牕。人去秋來宮漏永。

夜深無語對銀缸。

憶王孫

春景

萋萋芳草憶王孫。柳外樓高空斷魂。杜宇聲聲不忍

詩餘

梨花帶雨青閨斷腸復耽

看園景物妍麗秋閨思味妻涼此詞為初之

王孫芳草恰
恰生情

聞欲黃昏雨打梨花深閉門

如夢令

曲名小
梅花

春景

門外綠陰千頃。兩兩黃鸝相應。睡起不勝情。月到碧
梧金井。人靜人靜。風弄一枝花影。

又

鶯。嘴。啄。花。紅。溜。燕。尾。點。波。綠。皺。指。冷。玉。笙。寒。吹。徹。小
梅春透。依舊依舊。人與綠楊俱瘦。

浣沙溪

春閨

清杏園林煮酒香。佳人初試薄羅裳。柳絲搖曳燕飛
忙。乍雨乍晴花易老。閑愁閑悶日偏長。為誰消瘦

減容光。

阮郎歸

春閨

春風吹雨遶殘枝。落花無可飛。小池寒綠欲生漪。雨
晴還日西。簾半捲。燕雙歸。諱愁無奈眉。翻身整頓
着殘碁。沈吟應劫遲。

詩餘

鷓鴣造微入

見綠陰而聞
鳥聲正是景
物相應處

乍雨乍晴悶

愁悶悶二句

淺淡中傷春

無限

沈吟應劫遲

便言元人絕

前句

旅况

滿天風雨破寒初。燈殘庭院虛。麗譙吹徹小單于。迢迢清夜徂。人意遠，旅情孤。崢嶸歲又除。衡陽猶有鴈傳書。柳陽和鴈無。

畫堂春

春怨

東風吹柳日初長。雨餘芳草斜陽。杏花零亂燕泥香。睡損紅粧。香篆暗消龍鳳。畫屏縈遶瀟湘。暮寒輕透薄羅裳。無限思量。

海棠春

春曉

流鶯窗外啼聲巧。睡未足把人驚覺。翠被不輕寶篆沈烟裊。宿醒未解。官娥報道。別院笙歌會。早試問海棠花。昨夜開多少。

眼兒媚

一名秋波媚

春景

樓上黃昏杏花寒。斜月小欄杆。一雙燕子，兩行歸鴈。畫角聲殘。綺窻人在東風裏。無語對春閑。也應似

字字清麗集
印不多科

舊盈盈秋水。淡淡春山。

柳梢青

春景

岸草平沙。吳王故苑。柳裊烟斜。雨後寒輕。風前香軟。春在梨花。行人一棹天涯。酒醒處。殘陽亂鴉。門外鞦韆。牆頭紅粉。深院誰家。

桃源憶故人

春閨

碧紗影弄。東風曉。一夜海棠開了。枝上數聲啼鳥。粧點知多少。如雲恨。雨腰肢。裊眉黛。不堪重掃。薄倖不來春老。羞帶宜男草。

鷓鴣天

春閨

枝上流鶯。和淚聞新啼。痕間舊啼痕。一春魚鳥無消息。千里關山。勞夢魂。無一語對芳樽。安排腸斷到黃昏。甫能炙得燈兒了。雨打梨花深閉門。

蝶戀花

感舊

寺余

原游佳境不
第殘陽亂鴉
為警語

看少游後三
句則十二時
無間矣此非
深于閨恨者
不能道

如此題能作
韻語極不易
得

鐘送黃昏雞報曉昏曉相催世事何時了萬苦千愁
人自老春來依舊生芳草忙處人多閑處少閑處

光陰幾個人知道獨上小樓雲杳杳天涯一點青山

小

滿庭芳

春景

晚兔雲開春隨人意驟雨纔過還晴古臺旁樹飛燕
蹴紅英舞困榆錢自落鞦韆外綠水橋平東風裏朱
門暎柳低按小秦箏多情行樂處珠鈿翠蓋金轡

鞦韆外綠水
橋平長語却
有恨清宛

紅纓漸酒空醺醉花因蓬瀛豆蔻梢頭舊恨千年夢
屈指堪驚凭欄久疎烟淡日微映百層城

南歌子

贈妓陶心兒

玉漏迢迢盡銀潢淡淡橫夢回宿酒未全醒已被鄰
雞催起怕天明臂上粧猶在襟間淚尚盈水邊燈
火漸人行天外一鉤殘月帶三星

采句謂心字


金明池

春遊

詩余

言館
五
瓊苑金池青門紫陌似雪楊花滿路雲日淡天低書
永過三點兩點細雨好花枝半出牆頭似悵望芳草
王孫何處更水遶人家橋當門巷燕燕鶯鶯飛舞
怎得東君長爲主把綠髮朱顏一時留住佳人唱金
衣莫惜才子倒玉山休訴况春來倍覺傷心念故國
情多新年愁苦縱寶馬嘶風紅塵拂面也則尋芳歸
去

詩餘終



文化章未

